

Date – 15/04/2024
Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Mizoram Lok Sabha bial inthlana tar chak lo leh vohbikte puala in lama vote thlak mek chu vawiinah zawhfel a ni ang.**
- 2. Mizorama Lok Sabha inthlan vote thlakna tur Polling Station 1,276 ruahman a ni.**
- 3. Lok Sabha inthlan thawh khatna campaign-in a vawrtawp a thleng mek.**
- 4. External Ministry chuan Israel leh Iran boruak sang chho chu a ngaih-mawh thu a sawi.**



HOME VOTING

Mizoram Lok Sabha bial inthlan atan a nawlpuiin Zirtawpni khian vote thlak a ni dawn a, tar chak lo leh vohbikte puala anmahni in luma vote thlak kalpui mek chu vawiin hian zawhfel vek tum a ni.

Kum 85 leh a chunglam leh vohbikte tana anmahni in luma vote thlak hi Lunglei district-ah April ni 4 atang khan tanin bul tan hmasa ber an ni a, Kolasib district-in dawtin April ni 5-ah an tan a. District tam berin April ni 8 atanga tanin, a tan hnukung ber Champhai district chuan Zirtawpni khan an tan a, vawiin hian zawhfel tura ruahman a ni. Election department atanga thu dawn danin kum upa mahni in luma vote thlak dil hi 1,823 an awm a, vohbik zingah in lama vote thlak dil mi 302 an awm bawk a, an vai hian mi 2,125 an ni a, an dilna hi pawm vek a ni. In lama vote thlakte buaipui tur hian mobile polling team 99 din a ni a, anni hian in lamah kal chilhin vote an thlaktir a ni. Aizawl district-ah mahni in luma vote thlak dil leh phalsak an tam ber a, tar chak lo mi 820 leh vohbik 54, an vaiin mi 874 te'n April ni 8 leh ni 10 inkar khan anmahni in lumah vote an thlak a ni.

In lama vote thlaktir hi tun Mizoram assembly inthlan atanga buaitsaih tan kha a ni a. Vote tla a tam theihna atan leh mitinin vote thlak theihna tur remchang an neih theihna tura Election Commission of India-in ruahmanna a siam thar a ni.



POLLING STATIONS

Mizorama Lok Sabha inthlan vote thlakna tur Polling Station 1,276 ruahman a ni.

Polling Station 1,276 zingah hian thingtlangah Polling Station 751 leh khawpuiah Polling Station 525 a awm a, Polling Station hi hmun hrang hrang 1,166 ah siam a ni a. Chawhrualin Polling Station pakhatatah vote nei mi 671 zel awm ang a ni. Venhimna uluk lehzuala kalpui ngai polling station 14 awmin, critical Polling Station an tih mai, vote tla za zela 90 ai a tam a nih a Candidate pakhatin vote tla atanga za zela 75 aia tam a hmuhna polling station 5 a awm bawk a. Lirthei loh lohna, ke a pan ngai Polling Station 11 leh Lawngleng hmang chauhva thlen theihna Polling Station 15 a awm bawk.

Hmun pakhatata Polling Station pakhat chauh awmna hmun 1,069 awmin, Polling Station pahnih awmna hmun 87, Polling Station pathum awmna hmun 7 leh Polling Station pali awmna hmun 3 a awm a. Auxilliary Polling Station 4 siam niin, Model Polling Station 25 a awm bawk a ni.

<><><>

MPSC CHAIRMAN

Vawiin atanga MPSC Chairman Pu J.C. Ramthanga bang tura nawrna atana a pisa kal tur dan an rel chu kaltlangpui an tum thu MZP hruaitute'n an sawi.

MZP hian tun hnai a Combined Competitive exam buatsaiha mark pek thenkhat thaichhiat leh siamthat awm chungchangah MPSC chairman chu mawhpurhna la a bang turin an lo phut tawh a. Bang tura hun an tiam, Zirtawpni thlenga a la ban loh avangin hemi ni tlai a MZP General Headquarters executive committee thutkhawm hmanhmawh an kohah chuan Thawhtanni atanga MPSC chairman pisa kal tur dan hi an rel ta a ni. Thil fel lo awm ni a an tarlan bakah hian department engemawzata hna lak tur chungchangah felhlel a awm nual niin MZP chuan an puh bawk a ni.

<><><>

HEROIN SEIZURE

Assam Rifles leh Special Narcotics Police Station, CID (Crime), Aizawl tangrual chuan Inrinni khan Aizawl khawpui hmun thumah heroin gram 325 chuang an man.

Assam Rifles thuchhuahin a sawi danin heroin an man rual hi mi 3 ruihhlo zawrh leh kawl kaihnawihah an man a. An mi mante hi - J H Lalrinfela (kum 23) Chite Veng Aizawl, Ngosiankhaia (kum 26), Champhai district a Ngur khua leh Lalremsanga Ralte (kum 36), Ramhlun South Aizawl te an ni a. An ruihhlo man hi cheng nuai 227 hu niin Assam Rifles thuchhuah chuan a tarlang a. Ruihhlo leh mihring an mante hi Special Narcotics Police Station, CID (Crime) Aizawl kutah Inrinni vek khan dan anga bawhzui turin hlan a ni.

<><><>

MEN'S FELLOWSHIP

Mizoram pum huap Presbyterian Kohhran Pavalai Pawl Intawhkhawm wawi 6-na Zirtawpni-a tan, East Lungdar-a nghah chu nizan khan a tiak.

Intawhkhawm thupui 'A chhe lai siamthatu' tih chu speaker, Rev. C. Zoramawia, Senior Executive Secretary-in Pathianni chawhma, chawhnu leh zan inkhawmah a sawi a. Zirtawpni zanah khan Synod Moderator Rev. R.

Vanlalngkhaka'n thuchah a sawi a. Inrinni chawhmaah Revival Director Rev. R.C. Lalngkhakliana'n thuchah a sawi a, chawhnu-ah zaikhawmpui buatsaih a ni a, zanah committee member Rev. R. Lalnuntluanga'n thuchah a sawi bawk. Intawhkhawm chung hian inkhawm apiangin zaipawl a awm thin a. Mizoram Synod Choir bakah Bial leh Kohhran hrang hrang Pavalai Zaipawl te an zai thin a ni. Ram pum huap Kohhran Pavalai Pawl Intawhkhawm vawi 6-na Pandal-a hman hi a tum khatna a ni . Kohhran Pavalai Pawl hi Synod Revival Department-in a enkawl a ni.

<><><>

MASS PRAYER

Mizoram Kohhran Hruaitu Committee (MKHC) ngenna angin Inrinni leh nimin khan Lok Sabha inthlanpui lo awm tur pualin kohhran hrang hrangah tawngtaina hun bik ruahmanin kohhran mite an tawngtai.

MKHC-in tawngtai thupui tura a thlante chu - inthlan tuang taka kalpui a nih theih na'n leh Mizoramin aiawhtu mi tha tak a thlan chhuah theih na'n, ramchhungah sakhaw zalenna tha tak a awm zel theihna atan leh sakhaw pawl hrang hrangte intibuai lova inrem taka an awm zel theih na'n, tih leh India ramah Kristiante rawngbawlina nekchepna leh harsatna siam zawnga hmalaknate a bo theih na'n tihte a ni.

<><><>

VOTE JINGLE

Hei hi Akashvani Aizawl a ni.

Kan hma lawka Lok Sabha inthlana vote thlak turah hian khua leh tui, vote nei zawng zawngte mahni mawhphurhna a ni tih hriaa vote thlak vek turin kan insawm e.

<><><>

LOK SABHA ELECTION CAMPAIGN AT ITS PEAK

Lok Sabha inthlan thawh khatna campaign-in a vawrtawp a thleng mek a. Party hrang hrang hruaitu lawkte chuan an candidate-te tan thahnemngai takin vote an zawng mek a ni.

BJP hruaitu leh Prime Minister Narendra Modi-a chuan an party manifesto nimina an tlangzarh tak Sankalp Patra chuan India mipui Vaibelchhe 104-te duhthusam ram a taka thlentir chu a tum a ni a ti.

He thu hi nimina an party manifesto tlangzarh hnua Uttar Pradesh, Pipariya, Narmadapuram district-a vantlang inkhawmah a sawi a. BJP manifesto chuan thalaite hmakhua, hmeichhiate hmakhua, loneitute hmakhua leh miretheite hmakhua a thlir a ni a ti a. BJP sawrkar chuan tuna a scheme kalpui zawng zawngte hi kum 5 lo awm leh turah pawh a chhonzawm zel dawn a ni a ti.

Congress hruaitu Pryanka Gandhi Vadra chuan Rajasthan, Jalore-a vantlang inkhawmah Prime Minister Narandra Modi-a chuan mipuite hmakhua a ngaihthlah fai vek thu a sawi a. BJP chuan hlemhletna an do lova; eptu lam an do ber a ni a ti

Congress President Mallikarjun Kharge-a chuan BJP Manifesto chu rin tlak a ni lo va, kum 10 kalta chhung pawh khan mirethei tan chhawr tlak a awm lo a ni a ti.

Congress party hruaitu Supriya Shrinete chuan Lok Sabha inthlan atana BJP manifesto tlangzarh chu dawt chilhkhawm a ni a ti bawk.

<><><>

INDIA URGES IRAN AND ISRAEL TO SHUN VIOLENCE AND RETURN TO PATH OF DIPLOMACY

External Ministry chuan Israel leh Iran boruak sang chho chu a ngaihawh thu a sawi.

External Ministry chuan Israel leh Iran boruak chu a ngaihven reng thu a sawi a. Heng hmuna Indian Embassy-te pawhin beng an chhit reng thu a sawi.

India chuan ram pahnihte chu boruak sang chu beng hniam tura nengin boruak muanawm siam a pawimawh thu a sawi a. Ram pahnihte chu boruak sa tawlhkirsan turin a ngen a ni.

Nimin Pathianni khan Iran chuan ballistic missile leh cruise missile za telin Israel a kap a ni.

<><><>

IDF SAYS IT SHOT DOWN 99% OF MISSILES, DRONES FROM IRANIAN ATTACK

Israel sipaite chuan ram dang, anmahni venpuite nena tangrualin Iran-in boruak atanga an kahna za-a 99 chu hlawhtling taka an lo hmehmih hman thu an sawi.

Israel lo inpuahchahna chu fakin Israel Defence Force (IDF) thupuangtu Rear Admiral Daniel Hagari chuan kha invenna kha thil ropui tak a ni a ti a. Iran-in a beihna lian tham an lo hmet mit thei chu IDF te thiamna sang tak leh an thurualpuite thlawpna vang a ni a ti bawk.

Inrinni zan khan Iran chuan a vawi khatna atan Israel chu a bei a, Islamic Republic chuan missile 300 rualin Iran atangin Israel chu an sai a, nimin zing lamahte khan Israel chung zawn chu ralthuam riin a rum vung vung a ni.

<><><>

INDIAN EMBASSY ISSUES SAFETY ADVISORY FOR ITS NATIONALS AMID ISRAEL-IRAN TENSIONS

Israel-a Indian Embassy chuan Israel-a India mi awmte chu thlamuang taka awm tur leh tualchhung thuneituten himna tura dan an zamte chu zawm tha turin a chah.

Embassy chuan boruak a thlir reng thu an sawi a, Israel thuneitute nen pawh an inbiak pawh reng thu an sawi bawk. Embassy chuan Israel-a India mi chengte pawh a thlamuanin a ngaihven reng a ni.

Hemi boruak thlirlawk hian India chuan Iran leh Israel-a India mi awmte chu Indian embassy-a in ziaklut turin a lo hrittir lawk tawh a ni.

<><><>

INDIAN GOVT GIFTS 35 AMBULANCES AND 66 SCHOOL BUSES IN NEPAL DISTRICTS

India chuan Nepal ram hriselna leh zirna chhawmdawlina atan Nepal ram district hrang hranga hman turin pawl hrang hrang hnenah ambulance 35 leh school bus 66 a pe.

Heng lirthei chabbite hi nimin khan Nepal rama India palai Naveen Srivastava chuan a hlan a. He hunah hian Nepal Sawrkara Finance Minister Barsha Man Pun te, district hrang hranga Municipal Mayor leh Chairperson te, pawl hrang hrang hruaitu te, political party aiawh te, Nepal sawrkara mi pawimawhte leh vantlang thatna tura tha thawhtute an tel a ni.

Kum 1994 hnu lam atang khan India sawrkar chuan Nepal-ah hian ambulance 1009 leh school bus 300 a lo pe tawh a ni.

<><><>